

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 09-23-25691/15
Sarajevo, 16.02.2016.godine

Na osnovu člana 69. stav (2) tačka d) i e) i člana 70. stav (1) i (4) Zakona o javnim nabavkama ("Službeni glasnik BiH", broj 39/14) Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015.godine, a na preporuku Komisije, Općinski načelnik d o n o s i

ODLUKU
o stavljanju van snage Odluke o izboru najpovoljnijeg ponuđača
i poništenju postupka javne nabavke

I Prihvata se preporuka Komisije za javnu nabavku radova i van snage stavlja se Odluka o izboru najpovoljnijeg ponuđača broj 09-23-25691/15 od 13.01.2016.godine u postupku Izvođenje radova na sanaciji ulica na području Općine Novi Grad Sarajevo (Konkurentski zahtjev broj obavještenja 422-7-3-258-3-110/15 objavljen na Portalu javne nabavke 24.11.2015.godine), iz razloga što odabrani ponuđač TB INŽENJERING doo Breza nije ispoštovao obavezu da u zakonski ostavljenom roku dostavi traženu licencu za poslove redovnog održavanja cesta izdatu od strane Federalnog ministarstva prometa i komunikacija.

II Poništava se postupak javne nabavke u predmetu Izvođenje radova na sanaciji ulica na području Općine Novi Grad Sarajevo (Konkurentski zahtjev broj obavještenja 422-7-3-258-3-110/15 objavljen na Portalu javne nabavke 24.11.2015.godine), iz razloga što su cijene svih ostalih dostavljenih ponuda znatno veće od Budžetom osiguranih sredstva za predmetnu nabavku, a koji su utvrđeni tačkom 1. Odluke o pokretanju postupka javne nabavke.

III Zadužuje se Služba za finansije i zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke za Izvođenje radova na sanaciji ulica na području Općine Novi Grad Sarajevo br. 09-23-25691/15 od 17.11.2015.godine. Javna nabavka provedena je putem Konkurentskog zahtjeva za dostavu ponuda.

Obavještenje o javnoj nabavci u predmetu - Izvođenje radova na sanaciji ulica na području Općine Novi Grad Sarajevo broj 422-7-3-258-3-110/15 objavljeno je na Portalu javne nabavke 24.11.2015.godine.

Komisija je blagovremeno i pravilno izvršila javno otvaranje pristiglih ponuda dana 17.12.2015.godine, sačinila i dostavila Zapisnik o otvaranju ponuda, koje su do utvrđenog dana i sata dostavljene na adresu Ugovornog organa. Ovaj Zapisnik prosljeđen je svim ponuđačima koji su učestvovali u postupku javne nabavke. U postupku analize ponuda, Komisija je detaljnim

uvidom u sve pristigle ponude, odnosno dokumentaciju, kojom su ponuđači dokazali svoje kvalifikacije za učešće u ovom postupku, utvrdila da svih sedam (7) dostavljenih ponuda (KJKP Rad doo Sarajevo, Grakop doo Kiseljak, Bosman doo Sarajevo, Ame doo Breza, TB Inženjering doo Breza, Orman doo Kiseljak, Sarajevo putevi dd Sarajevo), ispunjavaju kvalifikacione uslove koji su navedeni u obavještenju o nabavci i tenderskoj dokumentaciji, te donijela Izvještaj o radu komisije i preporuka za dodjelu ugovora broj 09-23-25691/15 od 12.1.2016.godine. Nakon dostavljenog Izvještaja, Općinski načelnik donosi Odluku o izboru najpovoljnijeg ponuđača broj 09-23-25691/15 od 13.01.2016.godine u predmetu -Izvođenje radova na sanaciji ulica na području Općine Novi Grad Sarajevo (Konkurentski zahtjev broj obavještenja 422-7-3-258-3-110/15 objavljen na Portalu javne nabavke 24.11.2015.godine).

Navedenom Odlukom broj 09-23-25691/15 od 12.1.2016.godine, ugovor za predmetnu nabavku bio je dodjeljen ponuđaču TB Inženjering doo Breza, sa *obavezom* da isti prije zaključenja ugovora, dostavi licencu za poslove redovnog održavanja cesta izdatu od strane Federalnog ministarstva prometa i komunikacija, kako je traženo tenderskom dokumentacijom u tački 3.2.Sposobnost obavljanja profesionalne djelatnosti; *podtačkom 3.2.4.*, a u skladu sa odredbama Zakona o cestama F BiH (Službene novine F BiH broj 12/10 i 16/10), kojim se definiše da poslove redovnog održavanja cesta mogu vršiti samo izvođači radova koji imaju licence za ovu vrstu poslova u skladu sa Pravilnikom o licenciranju koju donosi Minstar.

Nakon slanja obavjesti o Odluci o odabiru najpovoljnijeg ponuđača svim učesnicima u postupku javne nabavke i objavljivanja iste na web stranici Općine, odabranom ponuđaču TB Inženjering doo Breza, Komisija je uputila Zahtjev broj 09-23-25691/15 od 20.01.2016. godine, da prije isteka roka određenog u članu 72. ZJN, dostavi licencu traženu tenderskom dokumentacijom.

Odabrani ponuđač dostavlja akt broj 243/16 od 25.01.2016.godine. Uvidom u istoimenu akt, Komisija je utvrdila da je dostavljen spisak opreme i dokazi za istu, kojom ponuđač dokazuje svoju tehničku sposobnost (prethodno istu dostavio u ponudi). Međutim, odabrani ponuđač *je propustio da* u skladu sa tačkom 3.2.Sposobnost obavljanja profesionalne djelatnosti; *podtačkom 3.2.4.*, a u skladu sa odredbama Zakona o cestama F BiH (Službene novine F BiH broj 12/10 i 16/10), dostavi traženu Licencu kojim se definiše da poslove redovnog održavanja cesta mogu vršiti samo licencirani izvođači.

Propustivši dostaviti traženu licencu u roku određenom u članu 72. ZJN, a u skladu sa odredbama tačke 3.2.Sposobnost obavljanja profesionalne djelatnosti; *podtačkom 3.2.4.* tenderske dokumentacije, Komija je stanovišta da se Odluka broj 09-23-25691/15 od 13.01.2016.godine, kojom je TB Inženjering doo Breza primjenom kriterija – „ekonomski najpovoljnije ponude“ sa ukupnim iznosom 93.419,51 KM sa uračunatim PDV, odnosno 95,0 osvojenih bodova, **treba staviti van snage.**

Komisija je nastavila sa analizom ostalih pristiglih ponuda koje ispunjavaju kvalifikacione uslove i koje su računski ispravne, te je konstatovala sljedeće:
Odlukom o pokretanju postupka javne nabavke broj: 09-23-25691/15 od 17.11.2015.godine, procjenjena je vrijednost javne nabavke za ugovor bez PDV-a u iznosu od 80.000,00 KM, a vrijednost nabavke sa uračunatim PDV-om iznosi 93.600,00 KM.

Uvidom u ostale ponude, Komisija je utvrdila da sve dostavljene ponude sa ponuđenim cijenama prelaze iznos odobren Budžetom za predmetnu nabavku, utvrđen u tački 1. stav V Odluke o pokretanju postupka javne nabavke. Ponuđeni iznosi navedenih ponuđača znatno su veći od osiguranih sredstava za predmetnu nabavku.

Naime, u postupku predmetne nabavke nesumljivo je utvrđeno da nijedna od primljenih ponuda nije prihvatljiva, čime su se stekli zakonski uslovi za poništenje postupka javne nabavke.

Na osnovu navedenog, a u skladu sa primjenom člana 69. stav (2) tačka d) i e) ZJN i člana 70. tačka 4. Zakona o javnim nabavkama (Službeni glasnik BiH br.39/14), odlučeno je kao u dispozitivu ove Odluke.


Pouka o pravnom lijeku:

Ponudaci koji su sudjelovali u postupku nadmetanja mogu radi zaštite svojih prava, u roku od pet (5) dana od prijema pismene obavijesti (odluke) o stavljanju van snage Odluke o izboru najpovoljnijeg ponuđača i poništenju postupka javne nabavke u postupku Izvođenje radova na sanaciji ulica na području Općine Novi Grad Sarajevo, izjaviti žalbu ugovornom organu u dovoljnom broju primjeraka.

Obradila
Enisa Babić, dipl. pravnik

Dostaviti:

1. Ponuđaču/ima
2. Služba za finansije i zajedničke poslove
3. Arhivi



Općinski načelnik
Semir Efendić